



Broj: 0101-3213/25

Sarajevo, 12. 06. 2025. godine

Na osnovu odredbe člana 69. Zakona o visokom obrazovanju ("Službene novine Kantona Sarajevo", broj: 36/22), člana 111. i članom 162. stav (3) Statuta Univerziteta u Sarajevu (broj: 01-14-35-1/23 od 26.07.2023. godine), i članom 9. i članom 14. Pravilnika o postupku usvajanja i izmjene studijskih programa na Univerzitetu u Sarajevu, broj: 01-8-71-1/24 od 24.04.2024. godine, te na prijedlog Vijeća doktorskog studija broj: 0101-3051/25 od 10. 06. 2025. godine, Vijeće Univerziteta u Sarajevu - Farmaceutskog fakulteta na 16. elektronskoj sjednici održanoj dana 12. 06. 2025. godine, donijelo je sljedeću

Odluku o osavremenjivanju Inoviranog nastavnog plana i programa doktorskog studija "Farmaceutska istraživanja"

I

Usvaja se Inovirani nastavni plan i program doktorskog studija "Farmaceutska istraživanja", u kojem su izvršene tehničke korekcije i izmjene u cilju osavremenjivanja sadržaja studijskog programa, uključujući:

- preciziranje i ažuriranje naziva predmeta;
- ažuriranje nastavnih sadržaja u skladu sa savremenim naučnim dostignućima;
- usklađivanje nastavnog plana i programa sa novim pravilima o studiranju trećeg ciklusa na Univerzitetu u Sarajevu.

II

Predložene izmjene su tehničkog karaktera i doprinose unapređenju kvaliteta studijskog programa, bez promjene njegove suštine, strukture i ukupnog broja ECTS bodova.

III

Osavremenjeni nastavni plan i program primjenjivat će se od početka akademske 2025/2026. godine.

IV

Odluka stupa na snagu danom donošenja.

Obrazloženje

Komisija za izmjenu inoviranog nastavnog plana i programa doktorskog studija *Farmaceutska istraživanja* Univerziteta u Sarajevu – Farmaceutski fakultet, dostavila je prijedlog izmjena predmetnog studijskog programa, zajedno sa mišljenjem sekretara o usklađenosti prijedloga, Vijeću doktorskog studija na dalje nadležno postupanje. Vijeće doktorskog studija je na 5. elektronskoj sjednici održanoj 10. 06. 2025. godine usvojilo prijedlog odluke kojim se usvaja Inovirani nastavni plan i program doktorskog studija "Farmaceutska istraživanja".

U skladu s odredbama člana 9. Pravilnika o postupku usvajanja i izmjene studijskih programa na Univerzitetu u Sarajevu, ukoliko se izmjene studijskog programa ne odnose na više od 30% sadržaja važećeg programa, odluku o prijedlogu izmjena i dopuna donosi Vijeće organizacione jedinice.



UNIVERZITET U SARAJEVU
FARMACEUTSKI FAKULTET


Zmaja od Bosne 8
71000 Sarajevo

+387 33 586 180
ffsa.unsa.ba

farmaceutski.fakultet@ffsa.unsa.ba

Također, prema članu 14. navedenog Pravilnika, redovno osavremenjivanje studijskog programa ne podliježe formalnoj proceduri izmjena i dopuna, već takav osavremenjeni program usvaja Vijeće organizacione jedinice u skladu sa zakonskim i statutarom definisanim nadležnostima. Cijeneći sve navedeno, donesena je odluka kako stoji u dispozitivu.

Sekretar Univerziteta u Sarajevu -Farmaceutskog fakulteta potvrđuje da je Odluka u skladu sa zakonskim i podzakonskim propisima koji su na snazi, te da je Vijeće Univerziteta u Sarajevu- Farmaceutskog fakulteta nadležano za donošenje iste shodno članu 69. Zakona o visokom obrazovanju ("Službene novine Kantona Sarajevo", broj 36/22), Maja Skopljak, MA, dipl. iur.



DEKAN FAKULTETA

Prof. dr. Fahir Bečić

Dostaviti:

- Služba za nastavu i studentska pitanja
- Prodekan za NiR
- Evidencija Vijeća Fakulteta
- a/a